

出名是實力派的周家怡，於新片面對兩大影帝梁朝偉與劉德華頓變小粉絲。其中一場戲她要怒攞偉仔，拍攝前獲華仔捉着她的玉手排練，更教她如何培養情緒，偉仔亦叫她放膽攞，結果正式拍攝，家怡沒有怯場兼動真火攞偉仔，獲讚演出逼真。不過她就擔心攞痛男神，覺得非常抱歉！

由梁朝偉、劉德華、蔡卓妍、任達華、方中信、周家怡等傾力合演的英皇電影《金手指》，全球票房勁破5億元，更獲香港以至海外各大電影節及頒獎禮重視，足證電影製作優質、叫好叫座。

周家怡在片中飾演華仔太太，楊偲泳（Renci）則演他們的長女。戲中講述華仔一家在停車場被歹徒追殺，雖然沒搞出人命，但各人都受傷。他們被送往醫院救治時，遇上坐在輪椅上的偉仔，由於之前華仔有預感偉仔會對其家人不利，故狹路相逢下，家怡按捺不住怒攞偉仔，並對華仔放狠話：「你拉佢唔到，你唔好返嚟屋企

■周家怡於戲中險失去親人，甫見仇人梁朝偉即忍不住衝前掌摑。

■周家怡感激華仔耐心教戲。



獲劉德華捉手仔教戲 周家怡攞梁朝偉拍蚊咁拍

呀！」面對兩大影帝，家怡不但沒有怯場，更生動演繹了對偉仔的怒火。正式開機前，幾位主角認真排練，華仔捉着家怡的手，教她怎樣掌摑偉仔外，又分享如何揣摩情感，最終很快順利拍完。事後家怡慰問偉仔說：「唔好意思，梁先生，痛唔痛？」偉仔大方回應：「OK，冇問題呀！」

家怡受訪時坦言能與兩位影帝對戲感滿足：「佢哋好好人！劉先生同我有較多交流，佢會提出好多意見同想法畀我。梁

先生友善就不在話下，佢畀我莫大信心，因為我要掌摑佢，佢直接同我講『你打落嚟啦，冇事嘍，拍蚊咁啲咋』！我睇現場提醒自己，唔好成日偷望佢啲。」

楊偲泳想同劉德華撒嬌

拍攝前演員需要培養情緒，家怡與Renci均做足準備，家怡說：「我要多謝動作設計嘅錢嘉樂，佢解釋得非常詳細，令我哋清晰知道場戲點拍，令我同劉先生培養出差的失去仔女嘅情緒。」Renci則說：「發夢都諗唔到可以同梁先生、劉先生合

作，又有家怡演我媽媽。啱啱拍嗰陣，我同家怡對望咗一吓，佢就走過攞住我，令我好想喊，加上手抱一個活生生、只得3個月嘅BB，而且場面有壓迫感，一直都忍住情緒，同自己講冇事。但當爸爸（華仔）行埋嚟嘅一個眼神，我就好想喊，想同佢講『爸爸我好慘呀』，想同佢撒嬌！」



■楊偲泳於戲中飾演劉德華與周家怡的女兒。



■姜濤與女舞員跳辣身舞，唔怕「姜糖」呷醋。

姜濤跳辣身舞 Stanley晒肌搶鏡

男團MIRROR前晚舉行首場演唱會，捨棄花巧布置及機關，明顯安全至上。12子除了落力跳唱，還設計不少才藝表演，包括Tiger和Lokman進行樂器Battle，Jeremy穿透視露背衫跟「中門大開」晒腹肌的Stanley比舞，姜濤則與女舞員跳辣身舞等等。

首次Encore時，唱足全晚的MIRROR首度開腔，Lokman說：「我哋可以咩都唔講，一直唱同跳，但只要有你哋嘅度，我哋就一定會講一句『大家好，我哋係MIRROR』。」觀眾即報以熱烈掌聲。第2次Encore，Jeremy獨自出場唱《獨角獸之戀》，原來在16場演唱會中，每晚都有一個彩蛋，第一個彩蛋就落在他的身上，之後12子合唱《We Are with Long Chaser》為當晚的演唱會作結。



■Stanley（右）晒結實肌肉，搶去Jeremy風頭。



李佳芯抱恙 缺席頒獎禮

■李佳芯

李佳芯昨日出席活動，談到日前缺席《萬千星輝頒獎典禮2023》，她表示身體不適才缺席：「我仲以為嗰晚咁多靚人，應該花多眼靚，會唔覺我有到，冇諗過大家咁眼利。（心灰意冷？）呢啲標題係吸引人睇。」她強調與無綫仍有合約：「仲有段時間，只可以話今年之內，但我覺得好無辜，每次講完都會令人覺得我離巢。」她坦言不覺被無綫冷待，雖然去年甚少拍劇，但有主持節目。問到續約機會大不大？她說：「真係唔知，但無論我續唔續約都係咁，過得OK。」

文詠珊想回港拍片

文詠珊（Janice Man）穿上純白色典雅長裙出席護膚品牌活動，她表示去年是豐收年，之前憑內地電影《消失的她》獲第15屆澳門國際電影節金蓮花獎「最佳女配角」，但她坦言不會因此自滿：「演員應該不斷挑戰自我，嘗試不同角色同風格，咁先可以成長同進步。」雖然演技獲得內地觀眾認可，但她亦渴望回港拍片：「香港電影係好有獨特風格同魅力，我好想同香港導演、演員合作，好多我都未合作過，希望之後有好劇本啦！」



■文詠珊希望挑戰不同角色。